




# U l'àriciu

di CORSICA

*Pinus nigra* subsp *laricio* var *corsicana*  
nom scientifique

*U l'àrice* ou *u lariciu*  
nom corse



Projet Life Nature



# U *l'àriciu* di Corsica

## Caratteri biològichi è ecològichi

- Arburi à legnu didosu di a famiglia di e Piname, u l'àriciu pò andà fin'à 50 m d'altura ;
- a corticcia grisgia argentu si presenta furmata di grande lastre irregulare ;
- u fustu (burdinale), drittu è slanciatu pò piglià diàmetri impurentissimi (180 cm) ;
- i sò pignotti sò chjuchi (di 4 à 8 cm) è a fruttificazione hè bona tutti i 2 à 3 anni ;
- a so lunghezza di vita hè eccessiuale è si conta in seculi (500 anni) ;
- eliòfilu, si sviluppa rapidamente in pienu lume ;
- a sò andatura, cònica in i sò primi anni, piglia una forma tavularia ind'è i sughjetti attempati o criscendu nantu à e cime ;
- perfettamente adatti à u clima mediterraneu, supportanu l'arsura di l'estate è prufiteghjanu di a bona pluviosità annuale (di 800 à 1500 mm/annu) di e muntagne corse ;
- produttività : a sò crescita hè ràpida è 'lu dà un legnu di grande qualità.



## CARTA DI I POPULAMENTI DI LÀRICIU

■ Localisazione di e trè fureste



## Induv'andà à truvà lu?

Si pò distingue duie àree di repartizione di u l'àriciu di Corsica :

- Area naturale ghjè u territoriu induve u l'àriciu di Corsica si sviluppa à u statu naturale. St'area hè localizata solu nant'à e muntagne corse, hè per quessa ch'ellu si dice ch'è a razza hè endémica à a Corsica. Nant'à 212 920 ettari di furesta corsa, 45 000 ettari danu alloghju à i l'àricii di Corsica, nant'à i quali 21 000 ettari custituiscenu populamenti puri.
- Zona d'impiantazione : ghjè u territoriu induve l'essenza hè stata impiantata per varie raghjone invece ch'ell'un face micca parte di a vegetazione naturale. In Francia cuntinentale, e piantazione di l'àricii di Corsica raprisinteghjanu 100 000 ettari. Ghjè a terza essenza impiantata per u rimbuscamentu dopu à u « douglas » è u pinu marittimu.

# SPASSIGHJATE in e fureste di *l'àrici*

Chjamata « l'Eliseu di a geològia » da un geològu di u XIX<sup>esmu</sup> seculu (Gueymard), a Corsica hè prima un mondu minerale unicu, fruttu d'una storia geològica cumplessa.

Cusi, a diversità di i paisaghji corsi tene prima à u sò rilevu straziatu (antichi movimenti tettonichi è azione di u cotru in altitudine) è à un'ampia tavuletta di colori di a teghja.

*« Si stanca omu à truvà da calificà issi denti, isse torre, issi pinzi, isse zombe sculpite cusì à l'estrosa, passendu à l'impruvisa di quelle forme attundulite à certi scarpilicci sprupusitati. A muraglia di u punente, fatta d'una manìfica granùlita rusulata, pruce i più belli effetti da u contrastu cù u verde di i pini »* ((Raoul Blanchard, « La Corse » 1923, in *L'île d'à côté* de Paul Silvani, 1998).

Trè chjassi accessibile à ogni pùblicu vi prughjettanu inde a diversità d'issi populamenti.

## **Furesta di u Valdu Niellu**

Chjassu di e Radule



Accessu: Dipartamentale 84, trà Calacuccia è a bocca di Verghju ;

Parcaghju: locu di a chjappa, trà a casa furestiera di Puppaghja è a stazione di schi di Verghju.

■ Marchera: rettàngulu turchinu « caraibe » ;

➔ Lungura: 3,5 kilòmetri ;


▼ Tempu stimatu: 2 ore è mezzu.

Intaressu: riserva biològica, mischju l'àriciu-vitugliu abbastanza scarzu, arburi assai vechji in un populamentu dichjarinatu d'altitudine, presenza d'un pastore l'estate, GR 20 à prussimità.



## **Furesta di Vizzavona**

Chjassu temàticu di u l'àriciu



Accessu: Strada Naziunale 193 trà Tattone è a bocca di Vizzavona

Parcaghju: gara di Vizzavona o principiu di u chjassu di a Cascata di l'Inglesi.

● Marchera: chjerchji turchinetti ;

➔ Lungura: 350 metri ;

▼ Tempu stimatu: 30 minute.

Intaressu: populamentu di l'àrici destinati à esse sfruttati à 350 anni. Mischju di l'àriciu-favu-carcutu, chjassu archeològicu à prussimità.



## **Furesta d'U Spidali**

Chjassu temàticu di u l'àriciu




Accessu: SD 368, vicinu à u matrale di l'Ospedale ci vole à piglià versu à u paisolu di Cartalavonu.

● Marchera: chjerchji turchinetti ;

➔ Lungura: 3,2 kilòmetri ;

▼ Tempu stimatu: 2 ore.

Intaressu: mischju l'àriciu-liccia è l'àriciu-ghjallicu « *Abies Pectinata* » di u latinu, rilevu cù forte cunfusione granitiche, cumpurteghja crucivie cù un antru chjassu di spassighjata (u chjassu di i Tafoni).





# L'OMU è la foresta di *l'àricci*



*« Un sò pò l'opere travagliate cun arte ch'ingrandaranu u pinsà di quelli chì viaghjinu in Corsica, mà propiu u terrore è l'ammirazione chì dà necessariamente una natura di chì tutte e scene sò orrifiche è maestose »*

(Hubert Lauvergene, Mémoire sur la Corse, 1823, *L'île d'à côté*, Paul Silvani, 1998).

Guy de Maupassant, in l'anni 1880, scriveva sopra a foresta d'Aitone :

*« ... i pini smisurati allargavanu sopr'à i nostri capi una volta lagnosa, sciaccavanu una specia di pientu cuntinuu è triste, invece ch'à dirrita cum'è à manca i sò burdinali fini è dritti facianu una sorta d'armata di cundutti d'organi d'und'ella paria esce quella mùsica cum'è u murtoriu di u ventu in e cime... »*

Un si ne trova più foreste dette « naturale » in Corsica: tutti i paisaghji sò stati fatti da e civilisazione ch'hanu assai sviluppatu l'agrupasturalismu in i primi tempi è pò più tardi a cultura di u legnu.

U legnu di u l'àriciu ùn hè statu veramente spluttatu ch'à parte si di u 1768, quandu a Corsica hè stata cuncessa à a Francia. D'issu mumentu, è sopra tuttu dipoi 1852 (pattu Blondel) da quandu u spartimentu hè statu fattu trà u Statu è e cummune, u l'àriciu di Corsica diventa l'essenza priuritaria in u sfruttamentu di e foreste. E piste di foresta sò aperte è u l'àriciu hè assai favoritu nant'à tuttu u livellu muntagnolu, lascendu da cantu i frundaluti (a lariccia, u favu) è l'altri legni didosi (u ghjällicu « Abies Pectinata » di u latinu, u tassu).

Oghje u l'àriciu ferma l'essenza a più sfruttata in Corsica, mà un rigiru à popolamenti naturali di più (cum'è u mischju d'essenze) hè ricircatu. U l'àriciu ripresenta i trè quarti o mancu di e vendite di legnu in Corsica. A maiò parte hè aduprata per fà l'intimpiature è da taglià i ceppi in fine tavulette di legnu ch'hanu da serve à ricopre, è i più belli legni sò per l'arte di bancalaru è l'ebanisteria.



Sfruttamentu di u legnu di u l'àriciu

Chjerchji di crescita pigliati da vicinu




# E fureste di l'àrici

E fureste di l'àrici caratteriseghjanu e muntagne corse (di 1 000 à 1 800 m) induv'elle sò maestre nantu à i versi assulanati (sulana).

Nantu à e pendite sposte à u nordu, più fosche è più fresche (umbria), si trovanu associe o à cantu à i valdi di favi, di ghjállichi, di tassi è di caracuti.


Poi falendu versu à u liturale, si mischjianu prima di lascia a piazza à i boschi di liccia o di pini marittimi.



« Petit Botrychium »



« Luzule du Piedmont »



« Gentiane Asclépiade »

*« Qualchi l'àrici, cù i sò fusti liscii è rusulati, stendenu à i venti di e duie bande è sò rambelle stranamente urizontale. Issi giganti, assaltati da e timpeste, hanu scupertu per u sò frundulume u prufile resistente è a finezza aerodinàmica nicissarii »*

(Jacques d'Welles en parlant du col de Bavella, *L'illustration*, 1924, in *L'île d'à côté*, Paul Silvani, 1998).

Chjave d'equilibrera d'un'ecosistèmu cumplessu cunstituitu ingiru à elle, a sò esistenza assicureghja u distinu d'un nùmeru impurtente di razze animale è vegetale. U sò valore patrimoniale hè eccessuonale.

Dendu alloghju à vintottu razze d'acelli, ospitanu l'unicu passeru endemicu di Francia, u pichju muratore corsu (Sitta whiteheadi).

Di u puntu di vista di a razza, u l'àriciu ùn hè micca in periculu è i popolamenti sò in bonu statu di cunservazione d'una manera generale. Solu i fochi ripresentanu un periculu accertatu. Per casgione di l'omu, sò troppu frequenti è devastatori.

Ci sò tandu duie poste maiò chì guidanu oghje a gestione d'issi ambienti furestieri isulani :

Una valurizzazione ecunòmica multifunzionale di e fureste realizzata cù a primura, sempre in mente, di rispettà e ricchezze ecologiche.

A risturazione di a diversità passata, chì u sfruttamentu di l'ambiente furestieru da l'omu tra i seculi ne ha rottu l'ordine è l'ha appuculita.



# Per SAPÈNE *di più*

## **Pulitica di l'Europa relativa à l'ambiente**

A preservazione di a natura hè una primura di a pulitica di l'ambiente cundutta da l'Unione Europea dipoi u principiu di l'anni 70. E Direttive cummunitarie "Acelli" è pò "Alloghji" hanu custituitu un impurtente fundamentu legislativu per a prutezzione di e razze (fàuna è flora) è di l'ecosistemi scarzi è/o minacciati à u livellu europeu.

## **Natura 2000**

In applicazione d'isse direttive, una reta di sitti prutetti hè stata stabulita in Europa, a reta Natura 2000. U scopu hè di favorizà u mantenimentu di a biodiversità in una lògica di gestione durevule tinendu contu di l'esigenze economiche è socioculturale.

## **L'alloghju ch'hè u làriciu di Corsica**

L'alloghju naturale ch'hè u làriciu di Corsica, propiu pocu ripresentatu à u livellu europeu, hè statu classificatu priuritariu in u quadru di a Direttiva "Alloghji". U làriciu dà alloghju a parechje razze d'interesu cummunitariu cume u pichju muratore corsu (acellu endémicu) o ancu u discugluttinu corsu (picculu ruspu muntagnolu).

## **Prugramma LIFE**

Life hè unu di i strumenti finanziari di l'Europa, chì li pirmette di mette in applicazione e sò Direttive.

L'ONF, gestore di a maiò parte di e fureste di làrici in Corsica per u contu di e cullettività, ha benefiziatu d'issi finanziamenti. Cusi, u prugramma Life Natura « per una gestione conservatoriu di l'alloghji chì sò i làrici » ha pulsutu esse messu in opera nantu à i sitti di a reta.

## **Azzione concrete**

- Accunciamentu di chjassi di spassighjate tematiche ;
- realizazione d'una mostra chì presenta a razza làriciu di Corsica (furesta di Bavella, casa furestiera d'Arza) ;
- edizione di strumenti di gestione di i popolamenti di làriciu chì piglianu in contu a sò diversità ;
- travaglii furestieri chì hanu vucazione à ricrea creà dinò u mischju di l'essenze, à migliurà u biotippu di e razze (cume a muvra corsa) chì frequentanu l'alloghju ch'hè u làriciu, à pruteghje l'alloghji relittuali associati à u làriciu (tassu, ghjinèparu turiferu).

**OFFIZIU NAZIONALE DI E FURESTE  
DIREZIONE REGIONALE, AIACCIU  
04 95 23 78 20**

**SITU INTERNETTU O.N.F.  
WWW.ONF.FR**

**CUMMUNITÀ EUROPEA  
[www.europa.eu.int/comm](http://www.europa.eu.int/comm)**

**TESTI : Sandra Guy**

**FOTOGRAFIE : ONF**

**SESTA : Graphite**

